

# **IMPLEMENTASAUN DEKRETU LEI NO 44/2020 KONA BA PROSESU DISIPLINAR BA INFRASAUN NE'EBÉ HALO HUSI MEMBRUS POLÍCIA NASIONAL TIMOR LESTE.**

**Fakuldade Direitu Universidade da Paz (UNPAZ)**

**Autor:1) Junior Mascarenhas.Email, [jonijunior@gmail.com](mailto:jonijunior@gmail.com), 2) Marçal Mascarenhas, SH. 3) Julio Araujo da Silva, Lic.Dir, MD.**

## **ABSTRATU**

Polísia Nasional Timor-Leste nudar orgaun prinsipal ba'a forsa defeza no seguransa ho nia mandato, tuir konstituisaun artigu 147 numero 1.) katak Polisia sei defende legalidade demokrátika no garante sidadaun sira nia seguransa internu, maibe sira labele iha partidu polítiku. 2.) Polísia halo prevensaun kriminal tenki hala'o ho respeitu ba direitus umanus.

Wainhira defende legalidade demokrasia, presiza hametin formasaun ba'a membrus polísia, iha aspetu humano no aspetu social, no mos presiza hametin koñesimentu no respeitu ba'a lei. Nune'e mos iha parte ida, Polísia presiza hatudu katak nudar instituisaun ida, iha disciplina maka'as, no iha koñesimentu kona-ba responsabilidade espesial ida ne'ebé Polísia deit mak iha, atu uza forsa lejítima tuir lei hato.

Regulamentu Disiplinár Polísia Nasional Timor-Leste nian, sai nudar sistema ida ba'a regras ho prinsípius ne'ebé hari atu tau matan ba'a membrus nia hahalok, hari brio professional no hato kubit iha formasaun, hodi garante instituisaun nia profesionalismu ho prestígio.

Lia fuan xave: ***Regulamentu Disiplinár Polísia Nasional Timor-Leste nian, sai nudar sistema ida ba'a regras ho prinsípius ne'ebé hari atu tau matan ba'a membrus nia hahalok.***

### **1.1 Introdusaun.**

Konstituisaun Republika ható ba Polisia Nasional Timor-Leste defeza ba legalidade demokrátika nian no garantia seguransa interna ba sidadaun sira, knaar ne'ebe hato'o ho konfiansa ba sira hodi hala'o ho forma rigorozamente apartidária. Konsagra mos iha Lei Fundamental katak prevensaun kriminal tenki halo ho respeitu ba direitus umanus, kabe ba lei ordinária atu estabelese rejime juridiku ba Polísia no mos ba forsa no servisu seguransa sira seluk.

Tuir Lei Organika Polísia Nasional Timor-Leste nian, liuhusi Dekretu Lei no.9/2009, 18 Feveiru, retifika iha Deklarasaun Retifikasaun no. 1/2009 iha 8 Abril, altera liuhusi Dekretu Lei no. 15/2014 iha 14 Maiu, integra mos prinsípius konstitusionais, hodi realsa

katak polísia ida ne'ebe estritamente apartidária, hala'o nia atividade ba deit Estadu, ho respeito ba legalidade demokrátika no garantia ba sidadaun sira nia direitu no seguransa ba ema no bens.

Nune mos diplomas legais kona-ba seguransa nasionál no seguransa interna inklui mos prinsípios no valores konstitusionais ne'ebe hanesan, liu-liu Lei Seguransa Interna liu husi Lei no. 4/2010 iha 21 Abril, hodi realsa Polísia nia dever atu dezenvolve nia misaun sempre ho limite no objetivu final, respeito ba direitus umanus, liberdades no garantias fundamentais sidadaun sira nian ho nune polísia nia medidas no medidas ba prevensaun kriminal haktuir prinsípios legalidade, proporsionalidade no sufisiénsia, no sira ne'ebe konsidera uzu forsa ne'ebe só bele aplika ba kazus tuir lei ható.

Husi valores, prinsípios no regras Lei Fundamental nian, no lei ordinárias ne'ebe mensiona ona, ható mensajen ho dimensaun a'as etiku-profisionál ne'ebe impoen interiorizasaun, klarifikasaun no tutela coativa, hodi Polísia nia servisu bele hala'o nudar servisu públiku fundamental ba defeza direitus, liberdades no garantias sidadaun tomak nian. Dimensaun étika no deontolojia ne'e, alende impoen koñesimentu no respeito ba leis, formasaun ho kuidadu ba membrus Polísia Nasionál Timor-Leste nian, liu-liu ba leis umanista no sosiál. Hare mos katak Polísia, maske instituisaun fundamental Estadu nian, iha sentidu aás ba autodisiplina, ne'ebe labele konfunde ho agressividade ga ezsesu uzu forsa, maiske identifika ona katak haktuir respeito rigoroza ba valores ho normas étiku-judisiárias.

Iha kontestu ne'e tenki ható ba Polísia Nasionál Timor Leste nian konjuntu regras estruturadu ne'ebe garante disiplina institucional no profisionál, ho diresaun ba objetius verdadeirus Polísia moderna, ne'ebe kria ba defeza sidadaun sira nian, no ba disiplina relasaun fundamental hodi moris iha sosiedade laran.destinu atu orienta atuasaun profisionais polísia nian, ne'ebe hein katak lejitimamente adopta no kuda valores respeito kondisaun umana ho objetivus legais no institusionáis servisu públiku nian.

### **1. Metodu Pezkiza**

Metodu Pezkiza hanesan maneira ida atu komprende nudar nivel aplikadu, ezamina, deskreve metódu ba pezkiza sira ne'ebe posilita koleta nudar prosesamentu informsaun sira, hanesan enkaminamentu rezolusaun problema sira nian no kestaun sira investigasaun nian,

nune'e bele temi katak antes ka molok deskrebe siensia sientifiku ida, eskritor defini uluk metólozia saida mak eskritor utiliza. Metólozia signifika katak aplikasaun prosedimentu tékniku sira ne'ebe presiza observa ba kontrusaun koñesimentu nian sira, hanesan propóztu ba komprovasaun ba nia validade no utilidade iha deversus ambitu iha sosiedade, entende kona ba karakteristika husi peskiza sientífika liu husi nia metódu sira presiza, previamente, komprende siensia saida mak atu buka hatene, iha parte ne'e halo peskiza iha objektivu proposta ne'e foka liu regulamentu espesialidade iha Area Instituisaun Polísia'' nune'e metólozia ne'ebe hakerek nain ulitiza ba peskiza no oinsa bele konserva hodi halo analiza ba prosedimentu legal atu aplika sansaun disiplinar ba membrus PNTL sira ne'ebe viola dever no regras regulamentares ne'ebe iha.

### **1.1. Tipu Peskiza**

Tipu peskiza maka hanesan meu ida atu akumula ka koleta dadus konkretus sira ne'ebe maka iha relasaun entre umanu no sosiedade iha moris lor-loron nian. iha tipu peskiza oi-oin, maibe iha proposta ne'e peskizador eskolla tipu peskiza Normativu no Deskritivu hodi akumula dadus no bele fo solusaun ba problema sira ne'ebe mak peskizador formulariza. Iha tipu peskiza Normativu, hare'e ba norma atúal sira, ensensialmente ba norma ka regulamentu sira ne'ebe maka aplika iha Instituisaun polísia Nasional Timor Leste.

### **1.2. Tipu Abordazen Juridika**

Tipu aprosimasaun ne'ebe maka utiliza iha forma peskiza normativo ne'ebe hakerek nain sei utiliza tipu abordagen sira maka hanesan:

- a) Abordagem lei: abordagen leis maka hanesan lalaok abordagen ida mesmu rumoris sai kestaun central ida seidak defini iha konstituisaun.

- b) Abordagem historika: relasaun ho abordagen maka hanesan lalaok ida ou mekanismo hodi hare'e ba antecedente historia ne'ebe ke iha relasaun ho aplikasaun ba sansaun disiplinar.
- c) Analiza konseptual lei: maka hanesan abordagem ne'ebe hare'e ba sosializasaun husi norma sira ne'ebe desenvolvimentu husi siensia.

### **1.3. Fontes Materia Direitu.**

#### **1). Materia Juridiku Primaria**

Materia direitu primaria ne'e hakerek nain sei halibur dados no sei fo tiha tereno liu husi aprosimasaun dirreita ho parte relevante nune'e mos foti husi norma legais sira maka hanesan, Konstituisaun, dekretulei no regulamentu sira ne'ebe relasiona ho topiko ida ne'e.

#### **2). Materia Juridiku Sekundariu**

Materia direitu Sekundáriu maka hanesan halo peskiza liu husi livru legal artigu hirak ne'ebe relasiona ho lei ne'ebe pública ona iha media relevante ho topiko peskiza ida ne'e hanesan Konstituissaun RDTL, Dekretu lei organika PNTL.

#### **3). Materia Juridiku terseiru**

Materia direitu Tersiaru maka hanesan disionario no situs internet e nian ne'ebe oficialmente peskiza foti maibe relasiona mos ho topiko hakerek nain nian.

### **1.4. Tekniku Halibur Materia Direitu:**

1. Teknik ne'ebe hakerek nain sei utiliza ho halibur dados maka hanesan estudu Biografio ne'ebe halao ho maneira le'e foti sumariu material literatura sira no lei ne'ebe maka relevansia ho peskiza ne'e.

2. Estudu tereno ne'ebe halao ho maneira aprosimasaun dereitamente ho parte sira ne'ebe relevante hodi bele hetan informasaun ne'ebe kredibel relasiona ho peskiza ne'e.

## **2.5. Teknika Analiza Materia Direitu**

Teknika analiza dadusne'ebe hakerek nain sei utiliza maka analiza diskrisaun. analiza diskrisaun maka hanesan ida hodi bele halo konkluzo ba situasaun ruma ne'ebe halao ho maneira sira hanesan .Halo avaliasaun, observaun.

## **2. Resultadu Peskiza**

### **2.1. Mekanismu implementasaun regulamentu disiplinar.**

Mekanismu hodi aloka implementasaun disiplinar ba Membru PNTL sira maka tenki banati tuir enkuadramentu legal sira ne'ebe eziste no vigora hela iha Timor-Leste, nune'e prosedimentus intermus instituisional ne'ebe aplika ba membru PNTL sira.

Implementasaun regulamentu ne'ebe bazeia ba lei sira ne'ebe vigora iha Timor-Leste maibe liu-liu regulamentu disiplinar PNTL Dekretu Lei N<sup>o</sup> 44/2020 hanesan kriteira disiplina maka membrus PNTL hotu tenki hatene no halo tuir saida maka estipula iha regulamentu disiplinar PNTL tuir artigu 7 no artigu 8 kona ba Dever Jeral no Dever Espesifiku ne'ebe artikuladu iha regulamentu ne'e rasik.

Progresu husi implementasaun regulamentu disiplinar maka agora membru sira mos hetan formasaun etika Polisial nia, importansia oinsa atu promove PNTL ho etika ne'ebe a'as tuir saida mak estipula iha Dever walu (8) iha regulamentu disiplinar hanesan:

- a) Dever obediensia
- b) Dever lealdade
- c) Dever profesionalismu

- d) Dever imparcialidade
- e) Dever korresaun
- f) Dever disponibilidade
- g) Dever sigilo
- h) Dever aprumo.

## **2.2. Maneira utilizasaun ba prosesu disiplinar hasoru membru PNTL ne'ebe viola regulamentu disiplinar mak hanesan:**

### **2.2.1. Faze Instrusaun**

Metodu ne'ebe mak investigador ka instrutor prosesu utiliza hodi halo prosesu disiplinar hasoru membru PNTL ne'ebe sai hanesan infrator ba prosesu mak hanesan notifika infrator, entrevista vitima, sasin no mos infrator ho maneira perguntas e resposta.

Depois instrutor prosesu konklui faze entrevista interveniente sira hanesan, vitima, sasin no infrator, instrutor prosesu kontinua identifika no halo analiza ba deklarasaun husi intervenientes sira nian. hodi bele identifika ninia provas no faktus ne'ebe involve husi infrator

### **2.2.2. Faze akuzasaun**

Tamba iha faze halibur informasaun hetan evidensia ne'ebe mak forte, maka instrutor ba prosesu halo akuzasaun hasoru infrator, liu husi karta akuzasaun anexo ho evidensia no faktus sira ne'ebe hetan durante halo prosesu investigasaun. Tuir artigu 77 DL no 44/2020 katak:

1. Tenki artikula akuzaun no tenki iha:
  - a) Deskrisaun faktus prinsipáis iha infrasaun disiplinar
  - b) Tenki ható sirkunstánsia sira kona-ba tempu, oinsá no fatin ne'ebe pratika infrasaun disiplinar

- c) Preseitu legal ne'ebe viola
  - d) Arguidu nia klasse komportamentu
  - e) Sirkunstánsia administrativa, no sira ne'ebe hakman no agrava
  - f) Sansaun disiplinar ne'ebe aplika
  - g) Indikasaun bá arguidu atu oinsá halo nia defeza no prazu ne'ebe bele halo.
- 2) Sei laiha prejuízu ba dispostu iha número anterior, instruktur bele elabora akuzasaun ho baze iha faktus ne'ebe prova ona iha akordaun ga sentensa judisiál, maibe tenki ajunta sertidaun prinsipál ba iha autos.

### **2.2.3. Notifikasaun ba akuzasaun**

Depois simu akuzasaun husi instrutor ba prosesu, pesoal ne'ebe komete infrasaun iha prazu loron 15 atu apresenta defeza liu husi eskrita, hahu sura husi data notifikasaun ikus, Bazeia ba artigu 78 no. 1 (Notifikasaun ba akuzasaun) katak, Arguidu no representante legal karik iha, sei notifika sira pesoalmente ga liu husi eskrita, liu husi sertidaun prinsipál ba akuzasaun, iha prazu loron 5 sura tuir-malu hafoin nia elaborasaun, hodi notifika mos katak sira iha prazu loron 15 sura tuir-malu atu apresenta defeza liuhusi eskrita, hahu sura husi data notifikasaun ikus.

### **2.2.4. Defeza**

Arguidu sei hato'o nia defeza wainhira la simu desizaun ne'ebe mak fo la tuir faktus no evidensia ne'ebe mak iha. Wainhira arguidu la simu, tenki apresenta ho testamuña ho evidensia tuir artigu 79 DL no. 44/ 2020 katak,

1. Ba preparasaun defeza eskrita, arguidu bele halo rasik ga liu husi nia representante legal, konsulta prosesu iha fatin ne'ebe nia hala'o servisu, maibe tenki halo tuir oráriu servisu nian no ho ajendamentu ho instruktur ba prosesu disiplinar ne'e.
2. Ba nia defeza, arguidu ható razaun kona-ba faktu, no direitu atu deskorda akuzasaun ne'e, hodi apresenta dokumentu prova nian ga testemuñas, no rekeredilijénsia sira ne'ebe tenki realiza.

3. Arguidu bele apresenta to'o testemuña 3 hodi investiga kada faktu ne'ebe nia hetan akuzasaun, maibe labele liu testemuña 20.
4. Iha nia defeza, arguidu obrigatóriu refere bá faktu sira ne'ebe kada testemuña tenki hatan.
5. Bainhira laiha indikasaun kona-ba faktu sira ne'ebe kada testemuña tenki hatan, sóbele kontinua inkirisaun bainhira instruktur hare katak testemuña sira a bele iha koñesimentu ba faktus sira ne'ebe útil hodi deskobre lialos.

Maibe wainhira arguidu la halo defeza hasoru akuzasaun iha praju loron ne'ebe mak iha, mak konsidera simu ona faktu no evidensia ne'ebe mak iha no akuzasaun ne'ebe aplika ba nia.

### **2.2.5. Desizaun**

Faze desizaun mak ikus husi prosesu investigasaun hotu ne'ebe mak hala'o husi investigador iha Departamentu Justisa PNTL, prosesu akontese desizaun tamba liu husi faze tolu (halibur informasaun, akuzasaun no defeza), pesoal instrutor sei halo relatoriu ikus ho nia konteudu konaba evidensia no faktus ne'ebe hetan durante halo investigasaun ba infrator, artigu sira ne'ebe mak implementa ba pesoal ne'ebe komete sala, rekomandasaun konaba tipu de kastigu. Tuir artigu 83 DL no. 44/ 2020 katak:

1. Entidade competente ba desizaun hare prosesu, karik hare katak instrusaun la kompletu, bele ordena dilijánsia foun hodi buka prova, atu ezejuta iha prazu máximu loron 20 sura tuir-malu, no fó koñesimentu ba arguidu tuir termus legais.
2. Despaxu ba desizaun ne'ebe aplika sansaun disiplinar, tenki iha fundamentu no obrigatóriamente elementus hanesan tuir mai:
  - a) Arguidu nia identifikasaun;
  - b) Deskrisaun faktus sira ne'ebe konsidera provadu;
  - c) Dispozisaun sira ne'ebe atu aplika;
  - d) Fundamentu sira ne'ebe lori hodi eskolla no determina medida sansaun disiplinar;
  - e) Konsekuensia tamba mudansa iha klasse komportamentu;
  - f) Data ho autornia assinatura.



3. Desizaun ba prosesu disiplinar bele konstitui deit ho instruktur nia proposta iha relatóriu final, sei la iha prejuízu ba indikasaun obrigatória ba normas ne'ebe arguidu viola, no sansaun disiplinar konkreta atu aplika, iha kazu sira ne'ebe nia desizaun konsiste ho aplikasaun sansaun disiplinar.
4. Bainhira entidade competente atu foti desizaun ba prosesu la konkorda ho proposta iha relatóriu final instruktur nian, tenki fundamenta nia desizaun iha faktus no iha lei.

Depois iha desizaun kastigu fo husi instruktur prosesu sei hato'o ba infrator, iha tempu ne'e kedas infrator iha direitu durante loron 10 atu halo rekursu sura tui-tuir malu hahu sura husi loron ne'ebe halo notifikasaun ikus hanesan preve iha artigu 84<sup>0</sup>. Dekretu Lei No. 44/2020. Rekursu refere sei derize ba Ministeriu Interio ho responsabilidade imediata ba PNTL, bainhira aktu kontektu ne'e mai husi Komandante Jeral PNTL nian.

#### **4.1. Apilka sansaun disiplinar ba membru PNTL ne'ebe viola regulamento disiplinar tuir DL no 44/2020**

Sansaun disiplinar mak sansaun ne'ebe mak fo husi nia superior instuisaun ne'ebe relevante ba iha nia membru sira ne'ebe mak halo infrasaun disiplinar, tuir hahalok ka asaun ne'ebe mak membru ne'e halo, sansaun disiplinar fo ba membru sira hare husi nia eskalaun hanesan sansaun disiplinar kma'an, mediu no todan.

Efetu husi sansaun disiplinar mak la iha remunerasaun durante periode sansaun disiplinar, lakon loron sira ne'ebe koresponde ba durasaun sansaun disiplinar bainhira sura direitu ba ferias, antiguidade no apozentasaun (*masa pensiu*) no mos halo transferensia husi Komandu Munisipiu ida ba Komandu Munisipiu seluk, husi Unidade ida ba Unidade ka Komandu Munisipiu sira.

Sansaun disiplinar ne'ebe hatuir Dekretu Lei No. 44/2020 aplika ba membru PNTLSira tamba pratika infrasaun disiplinar, mak hanesan:

- a) Represaun Eskrita
- b) Suspensaun
- c) Demisaun

#### **4.1.1 Represaun Eskrita**

Reprensaun eskrita mak deklarasaun ba membru PNTL ne'ebe hetan atensaun tamba pratika infrasaun disiplinar, ho efeitu ba alterasaun ba nia klase komportamentu, tuir termu sira ne'ebe define iha Reglamentu ida ne'e. Bazeia ba Artigu 36<sup>o</sup>. Dekretu Lei No. 44/2020, Reprensaun eskrita mak hanesan tuir maine'e:

- 1) Reprensaun eskrita aplika ba membrus PNTL ba konduta ne'ebe viola sira nia deveres, bainhira:
  - a) Komete ho neglijensia simples;
  - b) La rezulta ho estragus ba servisu ga ba ema seluk;
  - c) La tau kauza ba prestijiu no instituisaun nia naran diak.
- 2) Reprensaun eskrita aplika mos iha kazu hirak ne'ebe labele aplika sansaun disiplinar sira ne'ebe preve iha númeru tuir mai.

Ezemplu kazu real ba Pena Represaun eskrita komete husi membru Polisia ho N<sup>o</sup>. Prosesu  
DJSN/D-2022-0257

#### 4.1.2. Pena Suspensaun

Sansaun Suspensaun katak membru PNTL hases kompletamente husi funsaun efetivu bá periudu sansaun disiplinar, tó limite maximu loron 180. Bazeia ba Dekretu Lei No. 44/2020, Artigu 37<sup>o</sup>. Suspensaun katak,

- 1) Sei aplika suspensaun ba membrus PNTL ne'ebe nia konduta viola sira nia dever, bainhira:
  - a) Komete ho neglijénsia grosseira ga ho intensaun a'at;
  - b) Rezulta estragu ba servisu ga ba ema seluk.
  
- 2) Sei aplika mos suspensaun bainhira:
  - a) Membrus PNTL prátika faktus ne'ebe tau kauza ba disiplina ho unidade instituisaun nian, ga bainhira kompromete sidadaun sira nia seguransa; ga
  - b) Iha kazu sira ne'ebe labele aplika sansaun demisaun.

Bazeia ba artigu ne'ebe iha leten sansaun suspensaun sei la iha prejuizu bá ne'ebe determina ona iha klase komportamentu disiplinar, suspensaun iha mos konsekuensia hanesan tuir mai:

- a) La iha remunerasaun durante periudu sansaun disiplinar;
- b) Lakon loron sira ne'ebe koresponde ba durasaun sansaun disiplinar bainhira sura direitu ba ferias, antiguidade.

Suspensaun ezelesaun sansaun disiplinar, sempre revoga bainhira membru PNTL, durante periudu suspensaun, prátika faktus foun ne'ebe nia hetan sansaun iha prosesu disiplinar,

no tenki ordena kedas kumprimentu sansaun disiplinar ne'ebe suspende hela, no mos kumprimentu ba sansaun disiplinar ne'ebe rezulta hosi pratika faktus foun.

Ba ajente PNTL ne'ebe mak hetan ona sansaun disiplinar tuir artigu 26<sup>0</sup>. No. 2, Dekretu Lei No 44/2020 katak, Sei laiha prejuizu ba ne'ebe determina ona klase komportamentu disiplinar, suspensaun iha mos konsekuensia hanesan, laiha remunerasaun durante periodu sansaun disiplinar no lakon loron sira ne'ebe koresponde ba durasaun sansaun disiplinar bainhira sura direitu ba ferias, antiguidade.

Ezemplu kazu ho N<sup>0</sup>. Prosesu DJSN/D-2022-047

Razaun tanba membru ne'e falta serbisu no la kumpri orden komandu, ho ida ne'e mak Komandu fo suspensaun durante loron 20 dias.

#### **4.1.3. Demisaun**

Demisaun katak hases definitivamente membru PNTL, hodi hapara kedas nia funsaun ba instituisaun, no halakon direitu hotu-hotu ne'ebe liga ho kondisaun nudar membru PNTL. Bazeia ba Artigu 39<sup>0</sup>. Dekretu Lei No. 44/2020, Demisaun mak hanesan:

- 1) Demisaun aplika ba membrus PNTL ba konduta ne'ebe viola sira nia deveres, bainhira:
  - a) Komete ho intensaun hodi hakbosok;
  - b) Rezulta estragu sériu ba servisu ga instituisaun nia naran diak;
  - c) Tau gravemente kauza ba prestijiu no instituisaun nia naran diak.
- 2) Sei laiha prejuizu ba dispostu iha número anterior, demisaun aplika mos ba iha:
  - a) Kazu sira ne'ebe membru PNTL hetan kondensasaun ba prátika krime ho moldura penal prizaun, hanesan ho ga liu tinan 3;
  - b) Kazu sira ne'ebe membru PNTL hetan kondensasaun pena prizaun efetiva ba prátika krime ho moldura penal pena prizaun menus husi tinan 3;

- c) Bainhira membru PNTL prátika faktus ne'ebe tau gravemente kauza ba disiplina no unidade instituisaun nian, ga kompromete gravemente sidadaun sira nia seguransa.
- 3) Sei la iha prejuizu ba dispostu iha númeru 1, sei aplika demisaun ba membru PNTL ne'ebe falta servisu la iha justifikasaun ba periodu liu loron 5 tuir-malu ga loron 10 kotu-kotu (interpolado), iha periodu fulan 1 ga iha periodu tinan ida (1).
- 4) Aplika mos demisaun ba kazu membru PNTL ne'ebe iha hela kinta klasse komportamentu, hetan sansaun ba prátika infrasaun disiplinar tamba prova ne'ebe hetan iha prosesu disiplinar:
  - a) Laiha abilidade atu hala'o nia funsaun iha PNTL;
  - b) Hatudu katak labele adpata ga kontinua hatudu falta kompeténsia hodi hala'o nia funsaun.

Ezemplu kazu N<sup>o</sup>.Prosesu DJSN/D-2020-068

Resultadu husi prosesu investigasaun hatudu katak membru ne'e falta servisu ho durasaun ne'ebe naruk, mak komandu foti desizaun hodi demite membru refere husi instituisaun.

Kaju hirak ne'ebe mak mensiona iha leten tuir peskizador nia observaun ba iha aplikasaun Dekretu Lei N<sup>o</sup>. 44/2022 bazea dunia ba realidade ne'ebe mak oknum PNTL komete

### **5.1 .Impaktu husi Sansaun ou Pena disiplinar:**

DL no. 44/2020, alende regulariza disiplina membru PNTL, bandu mos ba Membru PNTL ne'ebe komete infrasaun no submete hela ba prosesu disiplinar, sei la hetan promosaun deviza, louvor no klase komportamentu wainhira prosesu ne'e seidauk taka ka arkivamentu.

Alende ne'e ba mos membru PNTL ne'ebe hetan ona kastigu ka suspensaun sei la hetan promosaun deviza, louvor no klase komportamentu tuir ninia prazu penalidade. Bazeia ba artigu 30 numero 4 aliñea a,b,no c.

**5.2. vantazen** mak Membru PNTL hotu ne'ebe hakna'ar an iha Instituisaun PNTL disiplina mak hanesan iis, iha ne'ebe deit dada iis disiplina hamutuk ho sira.

**5.3. desvantazen** maka wainhira membru ida komete ona iha infraksaun disiplinar ruma sei la hetan promosaun ka louvor husi instituisaun.

**5.4. Mudansa** Pozitivu iha implementasaun Dekretu Lei No. 44/2020 mak fo kompetensia ba Inspector-Geral, Comandante de Comando Funcional, Comandante de Comando Regional, Comandante de Comando Municipal, Comandante de Unidade, Comandante de Estabelecimento de Ensino e Chefe de Serviço Nacional iha kompetensia hola medidas disiplinar ba nia membru sira hodi fo suspensaun to'o loron 30.

Implementasaun Dekretu Lei Nu.44/2020, fo inpaktu pozitivu ba implementasaun lei no ordem iha instituisaun PNTL nu'udar implementador lei no asegura implementasaun lei ne'e rasik tanba fo kompetensia masimu ba Komandu atu foti desijaun hasoru nia membru sira ne'ebe maka indisciplinar nune'e sai mos ezemplu ba membru sira seluk atu disiplina no kumpri ordem husi Komandu hodi kumpri dever no kompetensia ne'ebe maka fo.

Implemetasaun lei fo satisfasaun ba comunidade hirak ne'ebe maka sai vitima husi kazu ne'ebe maka involve husi oknum membru PNTL ba kazu infrasaun indisciplinar no krime, wainhira membru ida halo infrasaun disiplinar sei halo prosesu iha Departamentu Justisa PNTL no wainhira membru ida ka oknum PNTL mak halo asaun kriminal sei hetan prosesu rua mak ida prosesu disiplinar no ida seluk mak prosesu kriminal intrega ba Ministeriu Publiku.

## **6.1. Konklusaun**

Rezultadu no diskusaun husi peskiza sira bele konklui katak Membru PNTL iha Komandu Munisipiu ka unidade ne'ebé deit wainhira komete kazu infrasaun disiplinar tenki submete ba prosesu disiplinar tuir normas juridika sira ne'ebe estabele ona iha Instituisaun Polisia Nasional Timor Leste.

Regulamentu Disiplinar nudar matadalan ba membru PNTL wainhira halao ninia kna'ar lor-loron PNTL tenki sai simbolu no ezemplu hodi hatudu maturidade disciplina para garante siguransa no dezvoltamentu estadu bele la'o ba oin.

## **6.2. Rekomendasaun.**

- 1) Atu sujere ba iha instituisaun Polisia Nasional Timor-Leste nian hodi bele halao servisu bazeia ba lei ne'ebe vigora ona, ho professional no honestidade atu nune'e bele proteze ita nia emar sira husi risku aktubrutalizmu, atu garantia nasaun Timor-leste husi risku hirak ne'e presiza kontribuisaun, no profisional atu bele garantia dezvoltamentu iha rai Timor-Leste.
- 2) Dever membru PNTL iha hanoin ho fuan atu servi ho poder atu hili assosiasaun ne'ebé diak maka hanesan assosiasaun ida ne'ebé la bele lori impaktu ladiak ba ita nia aan rasik ho ita nia kareira bele hametin siguransa impotante la bele monu ba laso ruma lori hamonu imagem PNTL.

## **BIBLIOGRAFIA**

### **I. Literatura :**

Muladi (editor). 2007 Hak Asasi Manusia hakekat konsep & implikasinya dalam perspektif Hukum & Masyarakat cetak kedua penerbit PT Refika Aditama Bandung.

Farouk Muhammad, 2008, Polri dalam system pertahanan dan keamanan, makalah seminar IODAS. Jakarta. Hal 2-3

O.C kaligis 2006 perlindungan hokum atas hak asasi terdakwa dan terpidana PT Alumi Bandung.

Institute for Defense security And pace studies (IDSPS) Jakarta seri 6 tahun 2008

Titik Triwulan, 2010, Perlindungan Hukum , Prestasi Pustaka, Jakarta , hlm 48.

Peraturan per Undang-Undan

Undang-Undan Dasar Negara Republi Indonesia tahun 1945

Undang-Undan Nomor 2 tahun 2002 tentang kepolisian Negara Republik Indonesia.

Peraturan kapolri nomor 8 Tahun 2008 tentang pedoman Dasar strategi dan implementasi pemolisian Masyarakat dalam penyelenggaraan tugas Polri.

Peraturan Nomor 8 Tahun 2009 implementasi prinsip dan standar Hakasasi Manusia dalam penyelenggaraan tugas kepolisian Negara Republik Indonesia

Pasal 1 ayat (3) peraturan pemerintah Nomor 2 Tahun 2023 tentan peraturan Disiplin Anggota kepolisian

### **II. Leis Sira :.**

- 1) Lei codigo penal Timør-Leste
- 2) Lei no. 31/2008 kona ba lei organika PNTL nian
- 3) Lei Codigo Presesso Penal Timor-Leste,
- 4) Lei no. 6/2009 kona ba lei organika PNTL nian
- 5) Lei no 9/ 2009, 18 de Fevereiro lei organica PNTL



- 6) KRDTL artigu 147
- 7) Dekreitu Lei no 44/2020 7 de RDP.

**II Internet :**

- 8) <http://www.Polri.go.id>
- 9) <http://www.Dharanastarya.org>
- 10) <http://www.propatria.or.id>
- 11) <http://polmas.wordpress.com>